



TE WHAREKURA O KIRIKIROA

33 Fifth Avenue, Enderley
Hamilton
P.O Box, 14-133
Phone: 07 8556674
Email: admin@kirikiriroa.school.nz

No. 15
10 Whiringa ā nuku
2025

TUIA TE RANGI E TŪ NEI, KO TE ATUA TŌ TĀTOU PIRINGA KA PUTA KA ORA. TUIA TE TE PAPA E TAKOTO NEI, KO KĪNGI TŪHEITIA KO TE WHARE KĀHUI ARIKI. KA RONGO TE PŌ, KO NGĀ MATE TĀRŪRŪ NUI, KA RONGO TE AO KO TĀTOU TE HUNGA ORA, TUIA TE MUKA HERENGA TANGATA, TIHĒ MAURIORA

KAUPAPATAKA – CALENDAR OF EVENTS

Te Wiki me te Rā		Te Kaupapa	Te Wāhi
3	23/10	Rā Porotū – TBC (Ka oti te whakatau mō ngā Area Schools i te rā nei)	Te Wharekura o Kirikiriroa
3	23/10	Ngā Kīwai o Te Kete - BOT Hui	Te Wharekura o Kirikiriroa
5	01/11 – 07/11	Mana Kura Tahī – Ka tū a Te Wharekura o Kirikiriroa a te Tūrei 04/11	Te Wharekura o Kirikiriroa

NAU MAI, HOKI MAI

E Tā Tumu, kei taku Ariki, e oki koe ki te māhoretanga o Hinenuitepō. Waiho mai ō rahi, hei kura tangihia, hei pahī kawekawe i ō kaupapa haere nei te wā.

Kei ngā whānau e pīkau ana i ngā taimahatanga o te wā, nei rā te whakaaro nui ka ūhia ki runga i a koutou, hei kahu pītongatonga.

Te kāpunitanga wairua ki a rātou, te kāhuiuitanga ora ki a tātou, kei taku iwi, kei ngā whānau, kei te hapori o Te Wharekura o Kirikiriroa, nau mai hoki mai.

Mō te hunga waimarie, koutou i whai wā hei tānga manawa i ngā hararei, nau mai hoki mai ki te mura o te ahi. Tātou i wepua tonuhia ahakoa ngā hararei, ka aroha hoki.

Whakarerea rā te wahanga tuatoru me te kī ake - Ka tahi ko te wahanga kaupapa rau ko tēnā.

Kauhautia ai tō tātou Kuini Māori i tana kōrero tuatahi ki te iwi whānui. Rere atu ai ō tātou tuākana ki Tahiti, ki te takahi i te whenua o marae tapu o Taputapuātea. Ka rua ki te whakaheke werawera i te tōnamana Taputapuātea Cup Event Sport Youth Cup 2025 i te poitūkohu me te waka ama. Karawhiua ngā tamariki ki te tōnama AIMS ki Tauranga moana. Hakaina ngā tamariki ki te Riri Whenua ki Te Tarata, haratautia te kapa taina kia rite ai rātou mō te tū ki te Whakataetae Kapa Haka ā Motu, a Te Mana Kura Tahī. Katoa, katoa me ngā mahi ā kura.

A kāti rā, ka moe a wahanga tuatoru, ka ara mai a wahanga tuawhā me ōna kaupapa whakaihiihi, kaupapa whakawanawana i ō tātou tamariki.



TE PUPUKE

Nau mai te waahanga tuawhaa, nau mai te Raumati, nau mai e ngaa hua o te waahanga whakamutunga o te tau. Nau mai hoki mai tamariki maa, he waahanga nui kei mua i te aroaro. E kaha parakatihi ana mo te Ahurei o Rangiriri ka tuu a te 21 o Whiringa-a-rangi, he hiikaka katoa ana ngaa tamariki.



Ngaa kaupapa o Te Pupuke:

W4 - Mangaharakeke

W5- Mana Kuratahi

W6- Kaukau

W7- Rangiriri

THE MOBILE DENTAL UNIT

Dear Whanau at Te Wharekura o Kirikiriroa

The Mobile Dental Unit team will be onsite at kura and will start check ups and follow up treatment from **Thursday the 09th of October 2025**. We are looking forward to providing dental care for those tamariki who are currently enrolled with our dental service and are overdue for their yearly dental checks.

For tamariki who are not enrolled with the service- we will issue panui, please return these at your earliest to ensure your tamariki are seen for his/her check up.

If tamariki require treatment, we will send panui home, please complete the panui and return to school with your tamariki for us to complete the required treatment before we leave the kura.

We will collect your tamariki from class for their appointment. If you would like to attend appointment please call or text the mobile dental unit on **021 356 325**.

Nga Mihi

Mobile Dental Unit 1 – Oral Health Waikato



POITUUKOHU - TWOK HAANUI - Tau 11-13

I teeraa atu wiki i takahi whenua atu te tiima tuakana poituukohu ki Te Whanganui-aa-Tara ki te whakakanohi i te kura ki teetahi whakataetae poituukohu e kii ana ko te Regional Cup.

He tuatahitanga teenei moo te kapa, otiraa moo taa taatou kura. Ko te pae tawhiti e toominatia ana e te hunga poituukohu ko ngaa whakataetae aa rohe, naa whai anoo ko te whakataetae aa motu moo ngaa kura tuarua, heoi, he timatanga pai rawa atu teenei.

He maha ngaa akoranga i tau ki ngaa rangatahi, he maha hoki ngaa wheako i wheakotia e raatou. Ko ngaa keemu teena, ko te whakahoahoa ki kura kee atu teena, ko te wheako i teenei taumata taakaro hoki teena. Ko teetahi o ngaa wheako pai ki ngaa rangatahi ko te noho tahi aa tima me te whakakotahi tonu i a raatou te tiima o Haanui.

I rere ngaa whakamiha o te haporii raa ki ngaa rangatahi o too taatou kura. I whakamiiharo raatou ki a taatou kaitaakaro, i whakapau katoatia te kaha i a raatou i te kooti, aa, i huumarie hoki te momo taakaro ahakoa ngaa kakari nui. I te keemu whakamutunga, muia katoa ngaa tuuru i teenei maapuu kaitautoko noo kura kee atu e tautoko ana, e whakatairanga ana i aa taatou rangatahi.

Ko ngaa mihi nui i uwahia ki te hunga i whakakiikii tuuranga kaiwawao i te roanga o te kaupapa raa. Ko Ngakau raatou ko Te Maungarongo, ko Ayziah, ko Kanoa. I tino kite atu i te pitomata i roto i teenei hunga. He nui te whakaute o hunga o Wellington Basketball ki a raatou, otiraa ki te kura.



Game vs Francis Douglas Memorial - 79 - 55
Game vs Onewhero Area School, 87 - 51
Game vs Otaki College, 79-91
Game vs Wellington College Senior B, 70-91

SF vs Wainuiomata High School, 60-55
PO vs Wellington High School, 76-81
Final placing - 10th

Regional Cup (Central) - Haanui
#3 Haamej Paki
#4 Kane Bennett
#6 Ayziah Bush
#7 Kanoa Newton-King
#13 Ngakau Newton-King
#23 Te Maungarongo Akuhata
#27 Taneora Kahukura-Paul
#30 Takimoana Sikisini
#36 Samiu Naera

